

AÐALFUNDUR 2021

Félag íslenskra hjúkrunarfræðinga

6.0

TILLÖGUR TIL LAGABREYTINGA

Lagðar fram á aðalfundi Félags íslenskra hjúkrunarfræðinga 26. maí 2021.

Breytingartillögur eru lagðar fram á eftirfarandi lagagreinum:

- 2. gr. Tilgangur**
- 3. gr. Full aðild, fagaðild og aukaaðild**
- 7. gr. Aðalfundur**
- 8. gr. Stjórn félagsins**
- 9. gr. Formaður félagsins**
- 10. gr. Formannskjör**
- 11. gr. Skipulag starfsemi félagsins**
- 13. gr. Réttindi og skyldur**
- 14. gr. Félagsgjöld**
- 18. gr. Kjörnefnd**
- 23. gr. Vísindasjóður**
- 24. gr. Orlofssjóður**
- 25. gr. Starfsmenntunarsjóður**
- 26. gr. Vinnudeilusjóður**
- 27. gr. Styrktarsjóður**
- 31. gr. Trúnaðarmenn**
- 35. gr. Ákvörðunartaka og kosningar**
- 36. gr. Allsherjaratkvæðagreiðsla**

2.gr. Tilgangur

NÚVERANDI GREIN Í LÖGUM

Félagið er fag- og stéttarfélag. Tilgangur þess er að vinna að árangursríkri og öruggri heilbrigðisþjónustu með því að:

- Efla þróun hjúkrunar og þekkingu og hæfni hjúkrunarfræðinga.
- Gæta hagsmuna og standa vörð um sjálfstæði, réttindi, skyldur og kjör hjúkrunarfræðinga.
- Semja við vinnuveitendur um kaup og kjör fyrir félagsmenn og um önnur atriði semsamningsumboð félagsins nær til á hverjum tíma.
- Auka þátt hjúkrunarfræðinga í þróun og stefnumótun hjúkrunar- og heilbrigðisþjónustu.

BREYTINGATILLÖGUR

Félagið er fag- og stéttarfélag. Tilgangur þess er að vinna að framgangi hjúkrunar, faglegri þróun og kjörum hjúkrunarfræðinga með því að:

- Efla þróun hjúkrunar og þekkingu og hæfni hjúkrunarfræðinga.
- Gæta hagsmuna og standa vörð um sjálfstæði, réttindi, skyldur, og kjör og starfsumhverfi hjúkrunarfræðinga.
- Hjúkrunarfræðingar hafi siðareglur félagsins að leiðarljósi.
- Taki þátt í stefnumótun um heilbrigðisþjónustu með samfélagslega ábyrgð og hagsmuni almennings í fyrirrúmi.

RÖK

Tilgangur félagsins miðast nú meira út frá félagsmanninum en ekki heilbrigðisþjónustunni eins og áður var. Bætt er inn í mikilvægi þess að hjúkrunarfræðingar hafi siðareglur félagsins að leiðarljósi en að mati stjórnar er nauðsynlegt að hafa sýnilegri. Mikilvægi þátttöku hjúkrunarfræðinga í stefnumótun um heilbrigðisþjónustu er meiri en nokkru sinni fyrr, ekki síst í ljósi lærdómsins sem hægt er að draga af heimsfaraldrinum.

3. gr. Full aðild, fagaðild og aukaaðild

NÚVERANDI GREIN Í LÖGUM

Rétt til aðildar að félaginu eiga þeir sem á grundvelli laga um heilbrigðisstarfsmenn nr. 34/2012 og reglugerðar um hjúkrunarfræðinga, hafa leyfi til þess að stunda hjúkrun hér á landi og kalla sig hjúkrunarfræðing.

Aðild hjúkrunarfræðinga að félaginu getur verið með eftirfarandi hætti:

Full aðild: Hjúkrunarfræðingur sem greiðir félagsgjöld samkvæmt ákvörðun aðalfundar af launum sínum og atvinnuveitandi greiðir tilskilin gjöld í sjóði félagsins fyrir hans hönd.

Fagaðild: Hjúkrunarfræðingur sem greiðir ekki félagsgjöld, en hefur sótt um fagaðild að félaginu og greiðir sérstakt fagaðildargjald árlega til félagsins sem ákveðið er á aðalfundi.

Lífeyrisaðild: Hjúkrunarfræðingur sem hefur hafið töku lífeyris, er hættur störfum og greiðir ekki félagsgjald.

Aukaaðild: Rétt til aukaaðildar að félaginu eiga nemendur í hjúkrunarfræði sem lokið hafa fyrsta námsári í greininni við Háskóla Íslands, Háskólann á Akureyri eða annan viðurkenndan háskóla. Nemendur í hjúkrunarfræði sem þiggja laun samkvæmt kjarasamningi sem félagið hefur gert fyrir þeirra hönd hafa rétt á að greiða atkvæði um viðkomandi kjarasamning. Aukaaðili að félaginu þarf að sækja sérstaklega um aðild að félaginu.

BREYTINGATILLÖGUR

3. gr. Aðild

Rétt til aðildar að félaginu eiga þeir sem á grundvelli laga um heilbrigðisstarfsmenn nr. 34/2012 og reglugerðar um hjúkrunarfræðinga, hafa leyfi til þess að stunda hjúkrun hér á landi og kalla sig hjúkrunarfræðing. [Ennfremur eiga rétt til aðildar nemendur í hjúkrunarfræði sem lokið hafa fyrsta námsári í hjúkrunarfræði við viðurkenndan háskóla.](#)

Nemaaðild: Rétt til [nemaaðildar](#) að félaginu eiga nemendur í hjúkrunarfræði sem lokið hafa fyrsta námsári í greininni við Háskóla Íslands, Háskólann á Akureyri eða annan viðurkenndan háskóla. Nemendur í hjúkrunarfræði sem þiggja laun samkvæmt kjarasamningi sem félagið hefur gert fyrir þeirra hönd hafa rétt á að greiða atkvæði um viðkomandi kjarasamning [og í sjóði félagsins](#). [Aukaaðili að félaginu þarf að sækja](#) Sækja þarf sérstaklega um aðild að félaginu.

RÖK

Óþarfi er að telja upp allar tegundir aðildar í fyrirsögn. Breyting er gerð á orðalagi en þar sem greinin á einungis við nemendur í hjúkrunarfræði, er tillaga stjórnar að breyta orðinu „aukaaðild“ í „nemaaðild“.

7. gr. Aðalfundur

NÚVERANDI GREIN Í LÖGUM

Aðalfundur fer með æðsta vald í málefnum félagsins. Aðalfundur skal halda í maímánuði ár hvert. Tímasetningu aðalfundar skal auglýsa með minnst 8 vikna fyrirvara. Heimilt er að boða til framhaldsaðalfundar ef 2/3 aðalfundarmanna krefjast þess.

Stjórn félagsins skipuleggur og ber ábyrgð á undirbúningi og framkvæmd aðalfundar.

Rétt til setu á fundinum eiga allir félagsmenn. Félagsmenn með fulla aðild, fagaðild og lífeyrisaðild sem hafa skráð sig til þátttöku á fundinn með minnst viku fyrirvara hafa atkvæðisrétt á fundinum. Aðrir fundarmenn hafa þar ekki atkvæðisrétt.

BREYTINGATILLÖGUR

Rétt til setu á fundinum eiga allir félagsmenn. Félagsmenn með ~~fulla aðild, fagaðild og lífeyrisaðild~~ sem hafa skráð sig til þátttöku á fundinn með minnst viku fyrirvara hafa atkvæðisrétt á fundinum [skv. því sem greinir um þann rétt í 13. gr.](#) Aðrir fundarmenn hafa þar ekki atkvæðisrétt.

RÖK

Tekin er burt upptalning á mismunandi aðildarformi skv. 3. gr. að félaginu. Vísað er til réttinda félaga í 13. gr. um atkvæðisrétt á aðalfundi.

FRAMHALD Á 7. GREIN

Boða skal til aðalfundar með minnst tveggja vikna fyrirvara. Fundarboði skal fylgja dagskrá fundarins og skal frestur til skráningar þátttöku á fundinn koma þar fram, ásamt tilvísun í vefsvæði félagsins varðandi upplýsingar um þær tillögur til lagabreytinga sem lagðar hafa verið fram. Aðalfundur er lögmætur ef réttilega er til hans boðað.

Tillögur til lagabreytinga skulu hafa borist stjórn félagsins minnst 4 vikum fyrir aðalfund. Hið sama gildir um önnur mál sem félagsmenn óska eftir að tekin verði fyrir á aðalfundi. Mál, sem ekki er tilgreint á útsendri dagskrá aðalfundar verður því aðeins tekið þar fyrir að meiri hluti atkvæðisbærra fundarmanna á fundinum samþykki það. Lagabreytingar verða ekki teknar fyrir nema þær fylgi fundarboði. Formlegar tillögur til breytinga á fyrirliggjandi lagabreytingatillögum sem fram koma á aðalfundi verða bornar undir fundinn. Þær skulu vera skriflegar.

Viku fyrir aðalfund hið skemmsta skulu fundargögn vera aðgengileg félagsmönnum á rafrænu formi á vefsvæði félagsins, þ.m.t. skýrsla stjórnar, reikningar félagsins og sjóða á vegum þess, skýrslur endurskoðanda og skoðunarmanna, áætlanir um starfsemi og fjárhag félagsins næsta starfsár og framboð til stjórnar og annarra trúnaðarstarfa eftir því sem við á.

BREYTINGATILLÖGUR

Boða skal til aðalfundar með minnst tveggja vikna fyrirvara. Fundarboði skal fylgja dagskrá fundarins og skal frestur til skráningar þátttöku á fundinn koma þar fram. ~~ásamt tilvísun í vefsvæði félagsins varðandi upplýsingar um þær tillögur til lagabreytinga sem lagðar hafa verið fram.~~ Aðalfundur er lögmætur ef réttilega er til hans boðað.

~~Skriflegar tillögur til lagabreytinga og önnur mál sem félagsmenn óska eftir að tekin verði fyrir á aðalfundi,~~ skulu hafa borist stjórn félagsins minnst fjórum vikum fyrir aðalfund. ~~Hið sama gildir um önnur mál sem félagsmenn óska eftir að tekin verði fyrir á aðalfundi.~~ Mál, sem ekki er tilgreint á útsendri dagskrá aðalfundar verður því aðeins tekið þar fyrir að meiri hluti atkvæðisbærra fundarmanna á fundinum samþykki það. Lagabreytingar verða ekki teknar fyrir nema þær fylgi fundarboði. Formlegar tillögur til breytinga á fyrirliggjandi lagabreytingatillögum sem fram koma á aðalfundi verða bornar undir fundinn. Þær skulu vera skriflegar.

Viku fyrir aðalfund hið skemmsta skulu fundargögn ~~ásamt tillögum til lagabreytinga~~ vera aðgengileg félagsmönnum á rafrænu formi á vefsvæði félagsins., ~~þ.m.t. skýrsla stjórnar, reikningar félagsins og sjóða á vegum þess, skýrslur endurskoðanda og skoðunarmanna, áætlanir um starfsemi og fjárhag félagsins næsta starfsár og framboð til stjórnar og annarra trúnaðarstarfa eftir því sem við á.~~

RÖK

Greinin er umorðuð, málsgreinar fluttar til, texti stytur svo hann sé markvissari og óþarfa upptalning tekin burt. Burðarþættir innihalds haldast óskertir.

FRAMHALD Á 7. GREIN

Mál sem taka skal fyrir á aðalfundi eru:

- i. Kosning fundarstjóra og ritara, eftir tilnefningu stjórnar.
- ii. Skýrsla stjórnar.
- iii. Reikningar félagsins og sjóða á vegum þess.
- iv. Ákvörðun um félagsgjöld.
- v. Starfsáætlun næsta starfsárs lögð fram til samþykktar.
- vi. Tillögur til lagabreytinga.
- vii. Starfsreglur fyrir sjóði, nefndir, ráð og deildir félagsins eða breytingar á þeim.
- viii. Formannskjóri lýst.
- ix. Kosning 3 stjórnarmanna og 1 varamanns í stjórn.
- x. Kosning skoðunarmanna.
- xi. Kosning í nefndir og sjóði félagsins.
- xii. Önnur mál.

BREYTINGATILLÖGUR

- ~~vii. Starfsreglur fyrir sjóði, nefndir, ráð og deildir félagsins eða breytingar á þeim.~~
- vii. Formannskjóri lýst.
- viii. Kosning 3 stjórnarmanna og 1 varamanns í stjórn.
- ix. Kosning skoðunarmanna.
- x. Kosning í nefndir og sjóði félagsins.
- xi. Önnur mál.

RÖK

Þessi mál felld út úr dagskrá aðalfundar þar sem stjórn félagsins fer yfir starfsreglurnar og samþykkir sem æðsta vald félagsins utan aðalfundar. Númeraröðin breytist á þeim dagskrárliðum sem eftir koma í samræmi við upptalningu.

FRAMHALD Á 7. GREIN

Skrá skal fundargerð um það sem fjallað er um á aðalfundi. Bóka skal sérstaklega allar samþykktir og ákvarðanir fundarins. Fundarritarar ganga frá fundargerð að loknum aðalfundi. Fundarstjórar og fundarritarar undirrita fundargerð.

Fundargerð aðalfundar skal birt á vefsvæði félagsins ekki seinna en viku eftir fundinn og veittur tveggja vikna frestur til athugasemda. Að þeim fresti liðnum telst fundargerð samþykkt og skal hún ásamt athugasemdum birt á vefsvæði félagsins.

BREYTINGATILLÖGUR

Skrá skal fundargerð um það sem fjallað er um á aðalfundi. Bóka og bóka skal sérstaklega allar samþykktir og ákvarðanir fundarins. Fundarritarar ganga frá fundargerð að loknum aðalfundi og undirrita ásamt fundarstjóra. Fundarstjórar og fundarritarar undirrita fundargerð.

RÖK

Greinin umorðuð og texti stytur.

8. gr. Stjórn félagsins

NÚVERANDI GREIN Í LÖGUM

Stjórn félagsins skal skipuð félagsmönnum með fulla aðild: Formanni félagsins, sex stjórnarmönnum og tveimur varamönnum úr hópi félagsmanna með fulla aðild.

Formaður er kjörinn í allsherjaratkvæðagreiðslu sbr. 10. gr. laga þessara.

Á hverju ári skal kjósa hluta stjórnar þannig að annað árið, þegar oddatala er, er kjörinn formaður, þrjú stjórnarmenn og einn varamaður. Hitt árið eru kjörnir þrjú stjórnarmenn og einn varamaður.

Stjórnarmenn, bæði aðal- og varamenn eru kosnir á aðalfundi. Kjörnefnd skal kalla eftir framboðum eigi síðar en í janúarlok. Framboðsfrestur skal eigi vera skemmri en 30 dagar fyrir aðalfund.

Kjörtímabil stjórnarmanna er tvö ár. Hámarks seta í stjórn félagsins er fjögur kjörtímabil samfellt.

Nýskipuð stjórn skiptir með sér verkum og kýs úr sínum hópi varaformann, ritara og gjaldkera stjórnar. Ritari skráir fundargerðir stjórnar.

Stjórn félagsins fer með æðsta vald í málefnum félagsins á milli aðalfunda. Hlutverk stjórnar er að móta stefnu og megináherslur félagsins í samræmi við stefnumörkun og ákvarðanir aðalfundar. Stjórn ber ábyrgð á fjárreiðum félagsins og starfsemi gagnvart aðalfundi.

Stjórn félagsins skal funda að jafnaði einu sinni í mánuði. Boða skal til stjórnarfundar með minnst viku fyrirvara. Ef sérstakar ástæður eru fyrir hendi er þó heimilt að boða stjórnarfund með skemmri fyrirvara. Formanni er skylt að boða til stjórnarfundar innan viku ef þrjú eða fleiri stjórnarmenn æskja þess. Sinni formaður ekki slíkri beiðni innan hins tilgreinda frests er stjórnarmönnum þeim sem óskuðu eftir stjórnarfundi heimilt að boða til fundarins með eins sólarhrings fyrirvara. Stjórnarfundir eru lögmætir ef mættur er meirihluti stjórnarmanna.

Afl atkvæða ræður úrslitum í stjórn en falli atkvæði jöfn ræður atkvæði formanns. Stjórn félagsins getur efnt til allsherjaratkvæðagreiðslu um mikilvæg málefni sem eigi falla sérstaklega undir aðalfund.

BREYTINGATILLÖGUR

Á hverju ári skal kjósa hluta stjórnar þannig að annað árið, þegar oddatala er, er kjörinn formaður, þrjú stjórnarmenn og einn varamaður. Hitt árið eru kjörnir þrjú stjórnarmenn og einn varamaður. Á aðalfundi ár hvert skal kjósa þrjú stjórnarmenn og einn varamann.

Stjórnarmenn, bæði aðal- og varamenn eru kosnir á aðalfundi. Kjörnefnd skal kalla eftir framboðum eigi síðar en í janúarlok. Framboðsfrestur skal eigi vera skemmri en 30 dagar 4 vikur fyrir aðalfund.

RÖK

Fellt er út að kjör formanns fari fram árið með oddatölu. Kjörtími formanns er nú 4 ár og þetta ákvæði á því ekki lengur við. Lengd framboðsfrestar er settur fram í vikum sbr. aðrar tímalengdir í lögum félagsins.

9. gr. Formaður félagsins

NÚVERANDI GREIN Í LÖGUM

Formaður ber ábyrgð á daglegri stjórn félagsins í samræmi við stefnu félagsins og stjórnar. Formaður félagsins er jafnframt formaður stjórnar. Hann er talsmaður félagsins og stjórnar þess.

Formaður kallar saman stjórn félagsins og stjórnar fundum hennar.

Kjörtímabil formanns er fjögur ár og getur sami einstaklingur að hámarki gegnt starfi formanns félagsins í tvö kjörtímabil samfellt.

Formaður skal vera í fullu starfi hjá félaginu.

BREYTINGATILLÖGUR

Kjörtímabil formanns er fjögur ár. og getur sami einstaklingur að hámarki gegnt starfi formanns félagsins í tvö kjörtímabil samfellt.

RÖK

Málgreinin um hámarkssetu formanns er flutt yfir í 10. gr. um formannskjör þar sem hún á betur við, enda koma þar fram skilyrði fyrir því að vera gildur frambjóðandi.

10. gr. Formannskjör

NÚVERANDI GREIN Í LÖGUM

Formaður félagsins er kjörinn í allsherjaratkvæðagreiðslu.

Kjörnefnd skal auglýsa eftir frambjóðendum til formannskjörs eigi síðar en í janúarlok. Auglýsing skal birt í Tímariti hjúkrunarfræðinga og á vefsvæði félagsins. Framboðsfrestur skal eigi vera skemmri en 30 dagar. Einungis félagsmenn með fulla aðild eru kjörgengir í embætti formanns.

Frambjóðendur til embætti formanns skulu skila til kjörnefndar skriflegu framboði ásamt meðmælaskrá með a.m.k. 0,6% félagsmanna.

Hljóti enginn frambjóðenda til formanns meira en 50% greiddra atkvæða í allsherjaratkvæðagreiðslu um formannskjör skal kosið að nýju milli þeirra tveggja sem flest atkvæði hlutu.

Láti formaður af embætti áður en kjörtímabili lýkur skal varaformaður taka við embætti formanns og sitja til loka kjörtímabils fráfaramandi formanns.

BREYTINGATILLÖGUR

Formaður félagsins er kjörinn í allsherjaratkvæðagreiðslu. Einungis félagsmenn með fulla aðild eru kjörgengir í embætti formanns.

Kjörnefnd skal auglýsa eftir frambjóðendum til formannskjörs eigi síðar en í janúarlok. Framboðsfrestur skal eigi vera skemmri en 4 vikur. Framboð til formanns skal liggja fyrir eigi síðar en 8 vikum fyrir aðalfund. Auglýsing skal birt í Tímariti hjúkrunarfræðinga og á vefsvæði félagsins. Framboðsfrestur skal eigi vera skemmri en 30 dagar. Einungis félagsmenn með fulla aðild eru kjörgengir í embætti formanns.

Frambjóðendur til embætti formanns skulu skila til kjörnefndar skriflegu framboði ásamt meðmælaskrá með a.m.k. 0,6% félagsmanna.

Hljóti enginn frambjóðenda til formanns meira en 50% greiddra atkvæða í allsherjaratkvæðagreiðslu um formannskjör skal kosið að nýju milli þeirra tveggja sem flest atkvæði hlutu. Niðurstaða formannskosningar skal liggja fyrir a.m.k mánuði fyrir aðalfund.

Kjörtímabil formanns er fjögur ár og getur sami einstaklingur að hámarki gegnt starfi formanns félagsins í tvö kjörtímabil samfellt.

Láti formaður af embætti áður en kjörtímabili lýkur skal varaformaður taka við embætti formanns og gegna því embætti fram að næsta aðalfundi félagsins, en á þeim aðalfundi skal kosinn nýr formaður félagsins.

RÖK

Tímalína formannsframboðs og kjörs er einfaldað frá fyrra orðalagi. Ákvæði um hvar skal auglýsa er tekið burt og ábyrgðin er áfram á herðum kjörnefndar. Að mati stjórnar er ákvæðið um hámarkssetu formanns flutt úr 9. gr. í 10. gr. þar sem hún á betur við. Einnig hefur verið bætt inn ákvæði um að kjósa skal nýjan formann á næsta aðalfundi, svo varaformaður sitji ekki í allt að 4 ár sem settur formaður.

11. gr. Skipulag starfsemi félagsins

NÚVERANDI GREIN Í LÖGUM

Starfsemi félagsins skiptist í kjara- og réttindasvið annars vegar og fagsvið hins vegar. Stjórn félagsins ræður sviðsstjóra á hvort svið fyrir sig.

Kjara- og réttindasvið ber ábyrgð á því sem viðkemur kjara- og réttindamálum félagsmanna og skal vera stjórn og félagsmönnum til upplýsinga og ráðgjafar. Undir kjara- og réttindasvið falla m.a. vinnuverndarmál.

Fagsvið ber ábyrgð á framkvæmd stefnu félagsins í faglegum málum þess. Undir sviðið falla m.a. gæðamál og siða- og sáttamál.

Stjórn félagsins skal setja sviðum félagsins nánari starfsreglur sem lagðar skulu fyrir aðalfund til samþykktar.

Félagið rekur skrifstofu og er stjórn heimilt að ráða til starfa aðila sem ábyrgur er fyrir daglegum rekstri skrifstofunnar. Stjórn félagsins ræður aðra starfsmenn skrifstofunnar eftir tillögum formanns.

BREYTINGATILLÖGUR

Starfsemi félagsins skiptist í kjara- og réttindasvið annars vegar og fagsvið hins vegar. Stjórn félagsins ræður sviðsstjóra á hvort svið fyrir sig.

Kjara- og réttindasvið ber ábyrgð á því sem viðkemur kjara- og réttindamálum félagsmanna og skal vera stjórn og félagsmönnum til upplýsinga og ráðgjafar. Undir kjara- og réttindasvið falla m.a. vinnuverndarmál.

Fagsvið ber ábyrgð á framkvæmd stefnu félagsins í faglegum málum þess. Undir sviðið falla m.a. gæðamál og siða- og sáttamál.

Stjórn félagsins skal setja sviðum félagsins nánari starfsreglur sem lagðar skulu fyrir aðalfund til samþykktar.

Félagið rekur skrifstofu til þjónustu við félagsmenn. Stjórn félagsins ber ábyrgð á að skipulag skrifstofunnar endurspegli starfsskyldur skrifstofu gagnvart félagsmönnum, og er stjórn heimilt að ráða til starfa aðila sem ábyrgur er fyrir daglegum rekstri skrifstofunnar.

Meginstoðir í starfsemi félagsins varða kjara- og réttindamál og fagleg málefni sbr. 2. gr. laga þessara. Stjórn félagsins ræður aðra starfsmenn skrifstofunnar eftir tillögum formanns.

RÖK

Að mati stjórnar er ekki nauðsynlegt að binda í lög innra skipulag félagsins og skrifstofuhald. Því er sviðaskiptingin tekin burtu. Áhersla er lögð á starfsemi tengda tilgangi félagsins sbr. 2 gr. laga þessara.

13. gr. Réttindi og skyldur

NÚVERANDI GREIN Í LÖGUM

Félagsmenn með fulla aðild, fagaðild og lífeyrisaðild hafa málfrelsi, tillögurétt og rétt til að greiða atkvæði á aðalfundi, félagsfundum og í allsherjaratkvæðagreiðslum ef lög þessi eða landslög kveða ekki á um aðra skipan. Réttur til að greiða atkvæði á aðalfundi er háður því að félagsmaður hafi skráð sig til þátttöku með þeim fyrirvara sem mælt er fyrir um í lögum þessum.

Félagsmenn með fulla aðild eru kjörgengir í sjóði, nefndir og ráð á vegum félagsins ef lög þessi eða landslög kveða ekki á um aðra skipan.

Félagsmenn með fag aðild og lífeyris aðild eru kjörgengir í nefndir og ráð á vegum félagsins ef lög þessi eða landslög kveða ekki á um aðra skipan.

Félagsmenn með fulla aðild en þiggja ekki laun skv. kjarasamningi Fíh hafa ekki ákvörðunarvald um kjaramál.

Félagsmenn með fagaðild og lífeyrisaðild hafa ekki ákvörðunarvald um kjaramál.

Félagsmenn með aukaaðild hafa málfrelsi og tillögurétt á fundum í félaginu en hafa ekki atkvæðisrétt og eru ekki kjörgengir.

Um rétt félagsmanna til að sækja um styrki úr sjóðum félagsins og sjóðum sem félagið hefur umsjón með fer samkvæmt þeim reglum sem gilda um viðkomandi sjóði, sbr. VII. kafla laga þessara.

Öllum félagsmönnum ber að virða lög og reglur félagsins, samþykktir og ákvarðanir funda þess og stjórnar og siðareglur félagsins.

BREYTINGATILLÖGUR

Félagsmenn með fulla aðild, fagaðild, ~~og~~ lífeyrisaðild og nemendur í hjúkrunarfræði sem þiggja laun samkvæmt kjarasamningi sem félagið hefur gert fyrir þeirra hönd, hafa málfrelsi, tillögurétt og rétt til að greiða atkvæði á aðalfundi, félagsfundum og í allsherjaratkvæðagreiðslum ef lög þessi ~~eða landslög~~ kveða ekki á um aðra skipan. Réttur til að greiða atkvæði á aðalfundi er háður því að félagsmaður hafi skráð sig til þátttöku á fundinn. ~~með þeim fyrirvara sem mælt er fyrir um í lögum þessum.~~

Félagsmenn með fulla aðild eru kjörgengir í sjóði, nefndir og ráð á vegum félagsins ef lög þessi ~~eða landslög~~ kveða ekki á um aðra skipan.

Félagsmenn með fag aðild og lífeyris aðild eru kjörgengir í nefndir og ráð á vegum félagsins ef lög þessi ~~eða landslög~~ kveða ekki á um aðra skipan.

Félagsmenn með ~~nema~~aðild hafa málfrelsi og tillögurétt á fundum í félaginu en hafa ekki atkvæðisrétt og eru ekki kjörgengir.

RÖK

Gerð er leiðrétting á orðalagi sbr. nemaaðild í 3. gr. Tilvísun í landslög er tekin í burtu þar sem ekki er ljóst til hverra laga er verið að vísa.

14. gr. Félagsgjöld

NÚVERANDI GREIN Í LÖGUM

Félagsmönnum er skylt að greiða það félagsgjald sem ákveðið er á aðalfundi en stjórn félagsins gerir tillögu um félagsgjald vegna fullrar aðildar, fagaðildar og aukaaðildar til aðalfundar.

Stjórn félagsins er þó heimilt að undanþiggja einstaka félagsmenn skyldu til greiðslu félagsgjalda að fullu ef gildar ástæður mæla með því.

Heiðursfélagar greiða ekki félagsgjöld en njóta allra þeirra réttinda sem lög þessi og landslög leyfa.

BREYTINGATILLÖGUR

Félagsmönnum er skylt að greiða það félagsgjald sem ákveðið er á aðalfundi en stjórn félagsins gerir tillögu um félagsgjald vegna fullrar aðildar, fagaðildar og ~~nema~~aðildar til aðalfundar.

Heiðursfélagar greiða ekki félagsgjöld en njóta allra þeirra réttinda sem lög þessi ~~og landslög~~ leyfa.

RÖK

Aukaaðild er breytt í nemaaðild og tilvísun í landslög er tekin í burtu þar sem ekki er ljóst til hverra laga er verið að vísa.

18. gr. Kjörnefnd

NÚVERANDI GREIN Í LÖGUM

Starfandi skal vera kjörnefnd skipuð þremur fulltrúum og einum til vara sem kosnir eru á aðalfundi til tveggja ára í senn þegar ártal er oddatala. Hámarks seta í kjörnefnd er fjögur tímabil samfelld.

Kjörnefnd skal annast undirbúning og framkvæmd formannskjörs og kosninga til stjórnar félagsins, í nefndir þess og önnur þau störf sem kosið er um. Nefndin tilkynnir um framboðsfrest, veitir framboðum viðtöku og tryggir að unnt sé að manna embætti á vegum félagsins. Nefndin útbýr lista yfir frambjóðendur og önnur kjörgögn eftir því sem þörf er á. Framboð til stjórnar og annarra embætta sem kosið er í á aðalfundi skulu birt á vefsvæði félagsins minnst viku fyrir aðalfund.

Kjörnefnd annast jafnframt aðrar atkvæðagreiðslur á vegum félagsins sem stjórn felur henni. Kjörnefnd annast talningu atkvæða og sker úr vafamálum.

Kjörnefnd skal skila ársskýrslu fyrir lok aprílmánaðar ár hvert.

BREYTINGATILLÖGUR

Starfandi skal vera kjörnefnd skipuð þremur fulltrúum og einum til vara sem kosnir eru á aðalfundi til tveggja ára í senn þegar ártal er oddatala. Hámarks seta í kjörnefnd eru fjögur kjörtímabil samfelld.

Framboð til stjórnar og annarra embætta sem kosið er í á aðalfundi skulu birt á vefsvæði félagsins minnst tveimur vikum fyrir aðalfund.

RÖK

Orðalagi breytt. Tímasetningu breytt og skulu framboð nú birtast tveimur vikum fyrir aðalfund en var viku.

23. gr. Vísindasjóður

NÚVERANDI GREIN Í LÖGUM

Til Vísindasjóðs renna framlög vinnuveitenda á grundvelli kjarasamninga.

Í stjórn Vísindasjóðs sitja fjórir fulltrúar skipaðir af stjórn félagsins.

Stjórn Vísindasjóðs skal skipuð til tveggja ára í senn. Hámarks seta í stjórn Vísindasjóðs er fjögur tímabil samfelld.

Stjórn félagsins skal setja starfsreglur um sjóðinn sem lagðar skulu fyrir aðalfund til samþykktar. Stjórn Vísindasjóðs skal skila ársskýrslu fyrir lok aprílmánaðar ár hvert.

BREYTINGATILLÖGUR

Hámarks seta í stjórn Vísindasjóðs eru fjögur kjörtímabil samfelld.

Stjórn sjóðsins skal setja starfsreglur um sjóðinn sem lagðar skulu fyrir stjórn félagsins til samþykktar.

Stjórn félagsins skal setja starfsreglur um sjóðinn sem lagðar skulu fyrir aðalfund til samþykktar. Stjórn Vísindasjóðs skal skila ársskýrslu fyrir lok aprílmánaðar ár hvert.

RÖK

Orðalagi breytt. Að mati stjórnar félagsins setur sjóðsstjórn starfsreglur og nægjanlegt að fá samþykki stjórnar félagsins sem æðsta vald félagsins utan aðalfundar.

24. gr. Orlofssjóður

NÚVERANDI GREIN Í LÖGUM

Til Orlofssjóðs renna framlög vinnuveitanda á grundvelli kjarasamninga.

Stjórn Orlofssjóðs skal skipuð fimm fulltrúum úr hópi þeirra félagsmanna sem rétt eiga, samkvæmt starfsreglum, til úthlutunar úr sjóðnum. Stjórn Orlofssjóðs skal kjörin á aðalfundi til tveggja ára í senn, þegar ártal er oddatala. Hámarks seta í stjórn Orlofssjóðs er fjögur tímabil samfelld.

Stjórn félagsins skal setja starfsreglur um sjóðinn sem lagðar skulu fyrir aðalfund til samþykktar. Stjórn Orlofssjóðs skal skila ársskýrslu fyrir lok aprílmánaðar ár hvert.

BREYTINGATILLÖGUR

Hámarks seta í stjórn Orlofssjóðs eru fjögur kjörtímabil samfelld.

[Stjórn sjóðsins skal setja starfsreglur um sjóðinn sem lagðar skulu fyrir stjórn félagsins til samþykktar.](#)

[Stjórn félagsins skal setja starfsreglur um sjóðinn sem lagðar skulu fyrir aðalfund til samþykktar.](#) Stjórn Orlofssjóðs skal skila ársskýrslu fyrir lok aprílmánaðar ár hvert.

RÖK

Orðalagi breytt. Að mati stjórnar félagsins setur sjóðsstjórn starfsreglur og nægjanlegt að fá samþykki stjórnar félagsins sem æðsta vald félagsins utan aðalfundar.

25. gr. Starfsmenntunarsjóður

NÚVERANDI GREIN Í LÖGUM

Til Starfsmenntunarsjóðs renna framlög vinnuveitanda á grundvelli kjarasamninga.

Í stjórn Starfsmenntunarsjóðs sitja fjórir fulltrúar, þar af eru tveir fulltrúar Félags íslenskra hjúkrunarfræðinga. Stjórn félagsins skipar tvo fulltrúa úr hópi félagsmanna sem við skipun eiga rétt til úthlutunar úr sjóðnum samkvæmt starfsreglum hans.

Stjórnarmenn f.h. félagsins eru skipaðir til tveggja ára í senn. Hámarks seta í stjórn Starfsmenntunarsjóðs er fjögur tímabil samfelld.

Stjórn Starfsmenntunarsjóðs skal skila ársskýrslu fyrir lok aprílmánaðar ár hvert.

BREYTINGATILLÖGUR

Hámarks seta í stjórn Starfsmenntunarsjóðs eru fjögur kjörtímabil samfelld.

[Stjórn sjóðsins skal setja starfsreglur um sjóðinn sem lagðar skulu fyrir stjórn félagsins til samþykktar.](#)

[Stjórn Starfsmenntunarsjóðs skal skila ársskýrslu fyrir lok aprílmánaðar ár hvert.](#)

RÖK

Orðalagi breytt. Vantaði umfjöllun um starfsreglur. Að mati stjórnar félagsins setur sjóðsstjórn starfsreglur og nægjanlegt að fá samþykki stjórnar félagsins sem æðsta vald félagsins utan aðalfundar.

26. gr. Vinnudeilusjóður

NÚVERANDI GREIN Í LÖGUM

Starfrækja skal Vinnudeilusjóð innan félagsins.

Stjórn félagsins skipar þrjá félagsmenn og tvo til vara í stjórn sjóðsins til tveggja ára í senn. Hámarks seta í stjórn Vinnudeilusjóðs er fjögur tímabil samfellt.

Stjórn félagsins setur Vinnudeilusjóði starfsreglur sem lagðar skulu fyrir aðalfund til samþykktar. Stjórn Vinnudeilusjóðs skal skila ársskýrslu fyrir lok aprílmánaðar ár hvert.

BREYTINGATILLÖGUR

Hámarks seta í stjórn Vinnudeilusjóðs eru fjögur kjörtímabil samfellt.

[Stjórn sjóðsins skal setja starfsreglur um sjóðinn sem lagðar skulu fyrir stjórn félagsins til samþykktar.](#)

[Stjórn félagsins setur Vinnudeilusjóði starfsreglur sem lagðar skulu fyrir aðalfund til samþykktar.](#) Stjórn Vinnudeilusjóðs skal skila ársskýrslu fyrir lok aprílmánaðar ár hvert.

RÖK

Orðalagi breytt. Að mati stjórnar félagsins setur sjóðsstjórn starfsreglur og nægjanlegt að fá samþykki stjórnar félagsins sem æðsta vald félagsins utan aðalfundar.

26. gr. Styrktarsjóður

NÚVERANDI GREIN Í LÖGUM

Til Styrktarsjóðs renna framlög vinnuveitanda á grundvelli kjarasamninga.

Stjórn Styrktarsjóðs skal skipuð þremur fulltrúum og tveimur til vara sem kjörnir eru á aðalfundi úr hópi þeirra félagsmanna sem rétt eiga, samkvæmt starfsreglum, til úthlutunar úr sjóðnum.

Stjórn Styrktarsjóðs skal skipuð til tveggja ára í senn þegar ártal er oddatala. Hámarks seta í stjórn Styrktarsjóðs er fjögur tímabil samfellt.

Stjórn félagsins skal setja starfsreglur um sjóðinn sem lagðar skulu fyrir aðalfund til samþykktar. Stjórn Styrktarsjóðs skal skila ársskýrslu fyrir lok aprílmánaðar ár hvert.

BREYTINGATILLÖGUR

Hámarks seta í stjórn Styrktarsjóðs eru fjögur kjörtímabil samfellt.

[Stjórn sjóðsins skal setja starfsreglur um sjóðinn sem lagðar skulu fyrir stjórn félagsins til samþykktar.](#)

[Stjórn félagsins skal setja starfsreglur um sjóðinn sem lagðar skulu fyrir aðalfund til samþykktar.](#) Stjórn Styrktarsjóðs skal skila ársskýrslu fyrir lok aprílmánaðar ár hvert.

RÖK

Orðalagi breytt. Að mati stjórnar félagsins setur sjóðsstjórn starfsreglur og nægjanlegt að fá samþykki stjórnar félagsins sem æðsta vald félagsins utan aðalfundar.

31. gr. Trúnaðarmenn

NÚVERANDI GREIN Í LÖGUM

Stjórn félagsins skal sjá um að félagsmenn kjósi trúnaðarmenn á vinnustöðum samkvæmt því sem heimilað er í lögum nr. 94/1986, um kjarasamninga opinberra starfsmanna, eða því sem samið kann að vera um í kjarasamningum. Trúnaðarmenn skulu starfa í samstarfi við kjara- og réttindasvið félagsins og viðkomandi svæðisdeild.

BREYTINGATILLÖGUR

Stjórn félagsins skal sjá um að félagsmenn kjósi **eða velji** trúnaðarmenn á vinnustöðum samkvæmt því sem heimilað er í lögum nr. 94/1986, **lögum nr. 80/1938 um stéttarfélög og vinnudeilur, um kjarasamninga** ~~opinberra starfsmanna~~, eða því sem samið kann að vera um í kjarasamningum. Trúnaðarmenn skulu starfa í samstarfi við **starfsmenn skrifstofu félagsins.** ~~kjara- og réttindasvið félagsins og viðkomandi svæðisdeild.~~

RÖK

Að mati stjórnar er ekki nauðsynlegt að binda í lög skipulag á skrifstofu félagsins. Því er orðalag um kjara- og réttindasvið tekið burtu, jafnframt eru svæðisdeildir aflagðar og landsvæðadeildir með annað hlutverk í dag.

35. gr. Ákvörðunartaka og kosningar

NÚVERANDI GREIN Í LÖGUM

Einfaldur meiri hluti atkvæða ræður úrslitum á fundum nema lög þessi kveði á um annað. Kosningar fara fram með handauppréttingu nema lög þessi kveði á um annað eða fundur ákveði að kosning verði leynileg.

BREYTINGATILLÖGUR

Einfaldur meiri hluti atkvæða ræður úrslitum á fundum nema lög þessi kveði á um annað. Kosningar fara fram með handauppréttingu nema lög þessi kveði á um annað eða fundur ákveði að kosning verði leynileg. **Jafnframt getur kosning farið fram með rafrænum hætti á fundi, enda sé tryggt að einungis þeir félagsmenn sem skráðir eru mættir á fund, geti greitt atkvæði á fundinum. Fyrirkomulag rafrænnar atkvæðagreiðslu getur t.d. falist í því að félagsmenn greiði atkvæði með rafrænum skilríkjum.**

RÖK

Að mati stjórnar er nauðsynlegt að bæta við heimild um kosningar með rafrænum hætti þar sem mikilvægt er að hafa þann möguleika þegar fundir eru haldnir í fjarfundi.

Mögulegt er að hafa atkvæðagreiðslu á fundi rafræna að því tilskyldu að aðeins þeir sem sannarlega sitja fundinn greiði atkvæði með notkun rafrænna skilríkja.

36. gr. Allsherjaratkvæðagreiðsla

NÚVERANDI GREIN Í LÖGUM

Allsherjaratkvæðagreiðsla er leynileg og skulu viðeigandi kjörgögn send öllum félagsmönnum ásamt kynningu á viðkomandi atkvæðagreiðslu.

Allsherjaratkvæðagreiðsla skal fara fram með rafrænum hætti. Kjörskrá við allsherjaratkvæðagreiðslu skal miða við félagatal í byrjun næstliðins mánaðar er atkvæðagreiðsla fer fram. Auglýsa skal upphaf og lok atkvæðagreiðslu með a.m.k. viku fyrirvara fyrir upphaf atkvæðagreiðslu og skal atkvæðagreiðsla eigi standa skemur en í þrjá sólarhringa. Falli atkvæði jafnt skal hlutkesti varpað um niðurstöðu. Við allsherjaratkvæðagreiðslu um kjarasamninga hafa þeir einir atkvæðisrétt sem eru í starfi hjá viðkomandi vinnuveitanda.

Stjórn félagsins skal setja nánari reglur um framkvæmd rafrænna atkvæða-greiðslna og með reglunum skal leitast við að tryggja eftir föngum öryggi atkvæðagreiðslunnar og kosningaleynd miðað við þá tækni sem á hverjum tíma er aðgengileg.

Framkvæmd rafrænna atkvæðagreiðslna er í höndum kjörnefndar og skal kjörnefnd úrskurða um hvaðeina sem vafi kann að koma upp um við framkvæmd kosningar. Úrskurði kjörnefndar verður einungis hnekkkt með ályktun aðalfundar.

BREYTINGATILLÖGUR

Allsherjaratkvæðagreiðsla skal fara fram með rafrænum hætti, *t.d. með notkun rafrænna skilríkja.*

RÖK

Verið er að samræma atkvæðagreiðsluna við 35. gr. með því að tiltaka möguleika á notkun rafrænna skilríkja.